



Комсомолю Вайгяль

Сембе масторнь пролетариятне, пуромода маре!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна

Адресъ: г. Саранск, Советская ул.,
Дом печати, Телефон № 1-60.

ПИТНЕЦ 5 тр.



ЛИСЕНДИ КОВТИ 12-кеть

Сяда оцю мяль стирнянь-трактористкань Анокламати ширес

Коде содаф, што СССР-нь и РСФСР-нь Верховнай Советтень депутатсн—знатнай трактористкатень производстваста апак аерткшнек стирнянь-трактористкань анокламати колга обращениасна мусь кели отклик советский стирнятень йоткса. Марнек Советский Союзть эзга аноклаф 104 тьожань стирня-трактористка.

Минь республикасон кой-кона районь комсомольский организациятне и земельнай оргатне, шарькодемек тя мероприятияняк оцю государственной значенианц, йотафтсь оцю работа стирнянь-трактористкань анокламати коряс. Мельданский района 1939 кизоня 37 стирня производстваста апак аерткшнек тонафт тракторонь водама, мезенкса ВЛКСМ-нь райкомъ секретарец и тракторнай отрядонь бригадирхне МАССР-нь Наркомземть ширде казф. Оцю работа тянь коряс йотафт Дубенский и Ладский райоттень эсонга. Тяс анокласть 25-це стирня трактористкакс кажнайсь. Сембоц республикаса 1939 кизоня 279 стирня получить трактористкань звания.

Нят стирнятень инь ламосна сатсь трудонь оцю производительность. Вов, например, Жаркова ялгась (Дубенский район) колеснай тракторса сокамаса и виде-маса работань норманц пашкоткшнезе 115—120 процентс, виденц 15 и сяда ламонь гектар шити.

Однака, сави азомс, што тя кизефксть минь марнек республикаты эса ашеськ пашкодъ. Обязательствать коряс тейнек эряволь анокламс 1000 стирня-трактористка, а фактически анокламе аныцек 279. 8 райотт республикаса, кода Б.-Игатовскийсь, Кадошкинскийсь, Атяшевскийсь, Б.-Березниковскийсь и лият ашесь анокла фкявок стирня трактористкакс. Нят райоттень эса комсомольский организациятне и земельнай оргатне тевть шарфтозь шумихакс и лоткасть аныцек обязательствань савомать лангс.

Кальдявста ащи тевсь трактористкатень работас кемокстамаснон мархта. 279 трактористкаты эзда, тракторса йотай кизотъ работась аныцек 163 ломань. Ковыл-

кинский, Краснослободский и Кочкуровский райоттень эса фкявок трактористканди трактор ашесь макссе. МТС-нь руководителхненди и ВЛКСМ-нь райкомонь секретархненди эряви тя эльбятксть учесть и максомс возможность стирнятнеди работамс трактор лангс.

Кой-кона руководителхне, проста, иронически ванцть трактористкатень работаснон лангс. „Борец за новую жизнь“ колхозонь полеводсь Шпагин всякай лаца рахсесь и нолясь разнай слухт трактористкатень лангс. Тя колхозонь комсомолецне лац содазын слухнень, но отпор тейст ашесь макссе. Синь ульсь срафтф аныцек эста, мзярда вмешался тевти ВЛКСМ-нь райкомс.

ВЛКСМ-нь обкомс и МАССР-нь Наркомземс макссь указания, штоба производстваста апак тук стирнянь-трактористкань аноклама тевть мольтемс и тя кизонявок. Однака, кой-кона райоттень эса аф ВЛКСМ-нь райкомтне, аф земельнай органонь руководителхне мезнявок тянь коряс ашесь тий. Козловский и Кочкуровский райоттне учихть тятлот эса, бта тяти нинге „рана“ ушedomс трактористкань анокламати. Тяфтама мялхне, конешна, аф видет. Стирнянь-трактористкань анокламась эряви мольтемс фалу, апак лоткск.

Сянкса, штоба лездомс МТС-ненди механизаторский кадрань анокламаса, ВЛКСМ-нь обкомс мярьгсь райкомтненди пуроптомс тя мероприятия йотафтоманц коряс временнай комиссия 5—7 ломаньцта. Комиссиять задаца — азондомс стирнятнеди простой, шарькодеви валса и живой примерса, што улемс трактористкакс, комбайнёркакс, шоферкс—тя почетнай тев.

МТС-нь и совхозонь директорхненди тяфта и комсомольский работникненди эряви мяляфтомс, што стирнятень йоткста механизаторский кадрань анокламась кирди оцю значения государственствать трудовой резервонц пашкодмаснон эса, а сяс тейнза эряви шарфтомс сатомшка мяль.

Предоктябрьский соревнованиясь

Достойнай подаркат

Зубово-Полянский педучилищань ученикне и педколлективсь, сувамок предоктябрьский социалистический соревнованияс, макссь вал, што синь Октябрьский революциять XXIII-це годовщинанц васьфтьсазь цебарьста и отличнайста тонафнесь.

Ученикне: Демин, Киреев, Болдышовась, Лазаревась эсь лангозост сывф обязательстватень пашкоткшнеза оцю успех мархта.

Зарубкина велеса пяк оцю работа йотафнечи аф грамотность

и малограмотность машфтоманцинкса. Взрослай ломанень школатъ заведующайц Коврыжных ялгась сембе аф грамотнайхнень и малограмотнайхнень фатязень тонафнемаса. Сон эсь лангозонца сывсь обязательства, штоба аф грамотность полнайста машфтомс Октябрьский революциять XXIII-це годовщинанцты.

Взрослай ломанень школати пяк оцю лезкс максси велень исполкомс. Сон школатъ полнайста обеспечендазе помещенияса, пеньгаса и керосинца.

И. Паршин.

З. Полянский район.

Пионерхне аноклайхть праздники

Саранский пионеронь кудть эса организовадф гимнастический школа (начальникоц Плятер ялгась). Школатъ эса тонафни 40 ломань: 27 цюра и 13 стирня. Занятиятне йотафневихть регулярнайста, расписанияс коря.

Октябрь 13-це шистонза школатъ эса йотафтф гимнастический соревнованият, коса 12 ученикне получандасть гимнастонь Всесоюзнай 4-це разрядонь звания.

Соревнованияс пяк цебарь результатъ цьоратнень йоткстанияфтсь Дыдык, Улисов, Уланов ялгатне. А стирнятнень йоткста—Жукова, Симбирцева, Самойлина ялгатне.

Гимнастический школась йотафни подготовительнай оцю работа Октябрьский революциять 23-це годовщинанцты. Праздниконь вечера од гимнастне няфтьсазь тонафнемань эсь результатсн.

Акробатический группась (руководительсь Бабенков ялгась) праздникинди аноклай выступлений—пирамидат, салатат, стойкат и стак тов. Стирнянь акробатический группась кармай тиведема акробатический номерхт гибкость коряс. Кафцке группатне соревновандайхть эсь йотковаст.

Акробатический группань четне организовадсть акробатический группат 5 и 9 № Саранский школатнень эса и кучсть тейст руководителхть.

Балетнай студиясь оцю интереса аноклай праздничнай вечерхненди. Шапов балетмейстерть руководстванц вельде аноклафтяфтама од танецт: „Финский танец“, „Танец с ракетками“ и лама лият.

Сембодонга цебарь исполнительхне Ахматова, Ткаченко, Улисова, Кустова ялгатне.

А. Дуйков.

ТАСС-ть сообщения

Японский газетатнень эса опубликовандаф сообщения, бта октябрь 25-це шистонза Япониянь посолсь Татекава господинц до-

жен ульсь васедемс Сталин ядгать мархта.

ТАСС-сь уполномоченнай азомс, што тя сообщениясь аф соответствовандай действительности.

ОД АВТОМАГИСТРАЛЬ

Правительственной комиссиясь примазе Чернигов—Нежин—Прилуки автомагистраль. Сонь строительствасонца примастъ участия 210 сельскохозяйственной артельнень колхозник. Основной работатне ульсь йотафтф 3,5 коновъ пингста. Кивь строительства кой-кона шиня работакшнесь 23 тьожань ломань.

Октябрь 23-це шистонза ульсь кить открытиянь торжествац. Митингса огромный под'ем мархта ульсь примастъ приветствия Сталин, Молотов и Хрущев ялгатнеди.

(ТАСС).



Украинань Западной областтнень эса избирательнай кампаниясь.

Львовский арматурнай 1-це № заводонь агитаторсь-комсомолец М. П. Капустинский йотафты беседа выборхнень колга. Фотось Б. Федосеевть (Фотось ТАСС-ть)

ЛЕНИНСКО-СТАЛИНСКИЙ КОМСОМОЛТИ ТЯЧИ ТОПОДСЪ 22 НИЗА

Комсомолъ боевой кичи

1940-це кизонъ октябрь 29-це шистонза Ленинско-Сталинский комсомолти топодсъ 22 киза. Тя пингста комсомолъ великий коммунистический партия эршинъ руководстванъ ала моли коммунистический обществанъ тичиень ингольценъ рядсост.

Партиянь VI-це с'ездъ, конац мольтъ Сталин ялгать руководстванъ ала, 1917-це кизонъ августста примасъ специальная резолюция „Од ломанень союзненъ колга“. Тянь мархта ульсь ушетф комсомолтъ большевиконъ партиянь вернай лездыенц и боевой резерванц эряфон.

Стака ульсь 1918-це кизонъ, мзярда оцуста келемсь гражданский война, международнай и внутренняй контрреволюциясь путнезень сембе виизон од Советский республикть машфтоманц инкса, тифтама обстановка октябрь 29-це шистонза коммунистический партиянь великий вождензон Ленинъ и Сталинъ руководстванъ ала Москуса ульсь Од ломанень российский коммунистический союзть васенце с'ездоц. Тя с'ездъ местнай организационень шуроптозень Од ломанень Российский Коммунистический Союз.

Гражданский война пингста комсомолъ героическийста тюрсь фронтова белогвардейский полчишатень каршес. Комсомолце эсь эряфсон алак ужальтъ храбрыста аралакшнесь родиванконъ, великий Октябрь сатфксонзон.

Гражданский война пингста внешняй и внутренняй контрреволюция об'единеннай натисконц эзда родинанконъ героическийста араламанц инкса ВЛКСМ-ть VIII-це с'ездсонза комсомолъ казф Боевой Якстеръ знамянъ орденца. Гражданский война фронттень машфтомдот меле комсомолъ, конанц мяленц кепсезъ Ленинъ—Сталинъ указанисна и конат заботендасть сонъ колганза, самоотверженна лездсть партия промышленность ладямаса, конац страфтоль империалистический и гражданский война пингста, социалистический народнай хозяйствать одукс тиамаса.

Од ломанень коммунистический

союзъ арасъ социалистический соревнованиень ушедыкс. Сон одюлезкс максъ партия вельень хозяйствать коллективизациясь и кулачествов кода классонъ машфтомаса. Сон йотафтс кафта масовой похотт урожайть и вельень хозяйствать коллективизация инкса, эсь виизон мархта организовандасъ 5 тьожаньда лама колхоз.

Ленинско-Сталинский комсомолъ социалистический обществанъ тиамаса ударнай трудонкса эсь IX-це с'ездсонза казф Якстеръ Знамянъ трудовой орденца.

Сталинский пятилеткатень пингста аф азомшка кассъ Мордовия промышленностец, тиф 49 промышленнай предприятия.

Предприятиява комсомолце ацихть социалистический соревнованиень и стахановский движениень застрельщикокс. Тьожаньда лама комсомолец—стахановец. Аньцек ськамонза Саровский машиностроительнай заводса соревново-

вандайхть 300 лама комсомолец. Кожикс комсомолец, конац работай фрезеровщикокс Рузаевка станция депоса, эсь планонц фалу пашкотыкшнесы 300 процентс и стак тов.

Минь республиканконъ комсомольский организациясь лувондови 38412 стирня и цьораня, конат педа-пес преданнайхть Ленинъ—Сталинъ тевсонды и активнайста участвондайхть социалистический строительстванъ тевса.

Мордовиянь колхознай паксыва ингольденъ убогай сокатненъ васте работай 3000 трактор, 700 комбайна и лия сложнай вельхозмашина. Од лomatтне тонаткшнесазъ вельхозиястванъ сложнай техникать. 1032 комсомолец работайхть трактористокс, 265—бригадиркс тракторнай и полеводческой бригадава, 263—комбайнеркс.

Мордовиянь комсомолъ воспитандасъ вельень хозяйстванъ замечательнай мастерхт, кода Печказова ялгать, канфонъ водямаса оцю

урожайнь инициаторъ, тяни СССР-нь Верховнай Советонъ депутат. Волгаева ялгась авантракторнай бригадаса бригадиркс работамста сатс рекорднай сатфкст. Тяни сон СССР-нь Верховнай Советонъ депутат, тонафни Тимирязевский академиясь. Казанцев ялгась—Ромодановский МТС-са трактористокс, стахановский работанкса казф Якстеръ Знамянъ трудовой орденца. Тяни сон РСФСР-нь Верховнай Советонъ депутат, тонафни Мордовский вельхозияственной школыса.

Мордовиянь колхозга комсомолце ацихть инициаторкс гектарста сята пудонъ урожайнь савомать колга.

Мордовиянь комсомолъ вяти оцю работа марнек трудящайхненъ ётка коммунистический просвещения тевса. Мордовияса, инголе, школада ульсь аньцек 785, ко-са тонафнесъ 57654 ломань.

Аф азомшка кассъ мордовский народъ культурац. Октябрьский Социалистический революция меле тиф: 1250 школа, конатненъ эзда аф полнай и полнай средняя школада 395, техникумда и училищада 25, педагогический институтта 2, фкия научно-исследовательский институт. Школаванк и институтванк тонафнихть 270000 лама стирня и цьораня. Улихть лама сятт замечательнай педагогоньке. 9 инъ цебаръ педагогке-комсомолце казф Советский Союзонъ орденца и медалса. Мордовиянь школава тонафни 15478 комсомолец, 95746 пионер, конат ацихть примеркс сембе тонафнихненди дисциплинаса, общественной работаса, тонафнемаса, воспитательнай работаса.

Ленинско-Сталинский комсомолъ, конац вооружандаф 18 партийнай с'ездт исторический решениязон мархта, эряманъ эсь 23-це кизонцы сувси пак сплоченнайкс коммунистический партия перф, анок тюремс сядонга тов советский народъ павазонц инкса, трудовой человечествов интересон инкса, сянкса, штоба прокс сяськоль коммунизмасъ.



СССР-нь Совнаркомъ видеса искусстванъ тевонъ комитетъ аноклай ВКП(б)-ть историянц теманзон коряс графиканъ выставка. Выставкась панжеви ноябрь васень шинзон эзда А. С. Пушкинтъ лемса Изобразительнай искусстванъ музейт помещениясонза.

СНИМКАСА: „Ленин луй швейцарский од лomatтненди доклад войнаъ колга“. (А. Давыдова художница рисункаста).

Репродукциясь Г. Широковъ (ТАСС).

Цебарьгофтомс пропагандать качестванц

ВКП(б)-ть историянц тонафнемасъ Саранский районъ лама комсомолценди арасъ насущнай потребностекс. 240 комсомолец самостоятельна тонафни ВКП(б)-ть историянц и 100—лама тонафнесазъ сонъ кружокса. Няг кружокне укомплектованайхть провереннай, политически грамотнай комсомолце.

Комсомолкась, Николаевский средняй школанъ учительница, Шумилова ялгась а д е л а з е ВКП(б)-ть историянц тонафнеманц Краткай курсть коряс и кярмодсь ни сонъ тонафнемонза первоисточниконъ коряс. Шумилова ялгась кемокстаф политграмотанъ кружокс пропагандистокс.

Аф калдывста тонафнесы ВКП(б)-ть историянц Посопонъ школаста учительница Летинаялгаске, конац тифта жа примаф ВКП(б)-ть рядонзонды.

Но эряви азомс, што пропагандать качествац тя районъ комсомолценъ йоткса ламода аф ответствовандай сят требованиенди, конат путнехитъ сонъ инголенца. Тя няеви сят материалненъ эзда, конатненъ получазень райкомъ видеса агитационно-про-

пагандистский работать коряс коммиссиясь. Вов, кой-мзяра примерхт:

Чекаевский школаста учительница Александрова ялгась аделасъ тонафнемда Краткай курста 4 глават. Мзярда сонъ кизефтезь—мезе жа сон содай Россияса васенце марксистский кружокненъ и русско-японский войнаъ колга, то сон мезевок, йофси, ашезъ аз. Тифтама важнай кизефкъ, кода крепостной праватъ полафтоманъ причинанзон, сон азонкшнесыне тифта: „Оязорсь пельсь бунтта и полафтозе крепостной праватъ“.

Тяка жа организацияста комсомолецъ Гвоздев ялгась аделасъ тонафнемда Краткай курста 5 глават. Мзярда кизефтезь, то сон ашезъ отвечав, простой, элементарнай кизефксонъ лангс. Сон, например, мезевок ашезъ аз Сталинский реформатъ, Ленинъ „Шаг вперед два шага назад“ книга, „Легальная марксисттень колга“.

Кировъ лемса колхозса комсомольский организациять секретарец Огородникова ялгась нльня афи содасы кодама главаса работай. Сон тифтажа мезевок, например, ашезъ аз рабочайнъ васенце

стачкатненъ колга, Крымский кампаниять и иля кизефксненъ колганга. Тякажа организациясь комсомолецъ Обмоллов ялгась, конац тонафни ни ветеце главать, Ленинъ революционнай деятельность ушетксонц относит 1870 кизотненди (?).

Лафча успеваемость и кружоконъ слушательхненъ йотксонга. Тяса няеви слушательхненди пропагандисттень кржа требовательностьсна. Особенна тя присущай Шумилова ялгати (Николаевка веле). Сон сонъ цебарьста содасы материалъ, лац аноклакшни занятитненди. Но успеваемость слушательхненъ ширде аф веши. Сянъ васте, штоба кармафтомс эрь слушательт кудса анокламс занятитненди, сон сонъ диктовканъ коряс сьорматфты тейст эсь конспектонзон.

Особенна йомла успеваемость политграмотанъ кружокненъ эса. Тяса слушательхненъ инъ ламосна нльня миронъ политический картатьке аф содасазъ. Монастырск велеса международнай положениать колга беседаса комсомолцене картаса Голландский Индия вешендезь Америкаста, а Новай Зеландия Ла-Манш проливъ районца.

Пропагандистский работать качествац Саранский районца страдает ся, што комсомолценди не прививают тонафнемаса кропотливость и упорства.

—„Пяк трудна шарькодемс... корхтайхть кой-кона комсомолце. Тя виде, трудностьтема вдь мезьге аф эряй. Сембе няг трудносттне преодолимайхть. Маркс сьормадсь, што наукаса аш кели столбовой ки, и аньцек ся может сатомс сонъ сияющей вершинанзон, кие алак пельхть сиземада, карабондай сонъ каменистай яннанзон эзга. И Маркс и Ленин няфтсть замечательнай образецт сянди, кода именна эряви работамс эсь лангсот, штоба кепдемс политический и культурнай кругозорценъ.

Тонафнемс эсь лангсот работам Марксонъ—Энгельсонъ—Ленинъ—Сталинъ эзда, фалу кепсемс эсь идейно-политический кругозорценъ—тя эрь комсомольский активистъ, эрь комсомолецъ почетнай обязанностец.

Ив. Ерофеев,

ВЛКСМ-нь Саранский райкомъ агитациянь и пропаганданъ работать коряс коммиссия предсидателец.

Литературнай страница

А. Малькин

Шачемвастонь вайгяль

Седивакссон
Ашат, крайний,
Тяднякс—роднойкс:
Мархтот морозе
Монь гайняй,
Кемси вин зойф.
Морстон селинь
Пети вайгяльсь,
Веле, мялест тусь:
Морстон
Од мотивса кайги
Кельгомась и трудсь.
Кайги, кода
Эряфсь панжи,
Касы козяшись,
Кода инголет
Тонь келемсь
Павазса штаф кись.
Кода касфат
Вин соколхт,
Соколхт-богатырьхт
Касфат вин
Мяштень соксот
Геронят-стирьхт,
Конат эряфть
Эса славань
Од фундамент путсь,
Сянкса, веле,
Тейнек сави
Морамс марстонь трудсь.

* * *
Моронень монь
Морсят марса,
Веле, эрь илять,
И пяк лама
Вийда арьсят,
Кода од рвя.
Штоба вайгялезе
Гайняль,
Зойняль сяда пяк,
Штоба прятонь
Вишкста лажняль
Моронь лихтибря.

* * *
Тейть мон, веле,
Седивакссонь
Азондан привет,
Сяс мес эздон
Кельгозь касфат
Мокшень, од поэт.

1940 к.

Коллективть значенияц

Учительсь урокса лувондови центральной фигуракс, но сонь значенияц и авторитетот садонга пяк кемсви здоровай и сплоченнай коллективть мархта. Коллективть влиянияц ученикнень поведениясноды огромнай. Учительсь задачац—воспитандамс аф аныцек башка ученикт, но и идень целай коллектив, и кемокснемс эсь воздействияц башка ученикнень лангс, ся коллективть воздействияц мархта. Тяс минь ингольнок задачась, тя лувондомс ученикнень психологическая особенностьсноданной возрастса.

Буржуазнай школась аф пути инголенза задача, штоба касфтомс активнай организаторхнень лувксон, а мекелангт, кирьфни синь эсост и кочки эстейнза послушной вожакт, организаторхт и исполнительхт.

Тя „самоуправления“ идеясь буржуазнай школас тиф сянкса, штоба ня вожакнень вельде ватель сембе шабатнень, самоуправления-ти выгоднай киге.

Советский педагогикац задачац—совершенство иля: советский школати эрявихть коммунизмань инициативнай строительхт.

Советский коллективсь сембе

Мон сёрмадан мора
И перазе сталень.
Тонь колгат, мон, моран
Родной алай, Сталин!

Шобдат улендсть шитне,
И эряфське стакаль,
Козятнень плёткасна
Копорьганок якаль.

Эряфсонок эста
Нужать мархта горясь,
Вачашинь тундаста
Минь колганок спорясть.

Пильгоньке кшнинь тядьса—
Цинзерса, ульсть сотнефт.
Паксясь козять кядьсоль,
Стак минь тейст соксеськ...

Богатырькс, пяк виюкс,
Шачеть родной Сталин!

Сталинть колга мора

Колганок заботят,
Воляце тонь—сталень.

Лениять мархта марса
Нужать лангстонк валхтость,
Цинзерхнень минь пильгстонк
Синнесть, сязесть, прафтость.

Странасонок эряфть
Тон панжи садкс тиить,
Аш марнек светса
Сталин, корязт винь.

Коммунизмав вятят
Эсонк, кельгом Сталин!
Киге, кона виде—
Струнакс, валда, сталень.

Мон сёрмадан мора,
Монь перазе сталень,
Морозень мон казян
Тейть, кельгома Сталин!

А. Петров

Г. Пьянзин

Поэттнени и писательхнени

Саты, саты, ялгат,
Сюцемс, сялондомс,
Саты шнафнемс
Эсь инголенк прят!
Мутнай ведьса
Эряфоньконь валонды,
Кона эсь прят
Вятсь пяк зря.

Одть аф нйасаськ,
Сиреть лац аф содасаськ,
Шаронттама—
Шары прят учакс.
Акша леньгань
Карькс мороньконь кодасаськ,
Ну, а кие
Тянди пяк нучкась?..

Мон эсь прятень
Пиксселине нярь ланга,
Кда мон ба
„Цебярь морхт аш“—
мярьголень.

Чофксень йоткса,
Ялгат, лама сязьганда—
Аныцек синь мон
Петьколяня нярьголень.

Морсна пижет,
Вирьмарьденга шапамот,
Мази шисна—
Йофси кяльге панчфт.
И народти—
Совостьфема шватама,
Но, народсь—
Аф марят эздост таньф.

Дряй аф виде,
Што минь эздонк кивьге,
Нльне велесь
Лат аф содай прокс.
И аф кармай
Содамонок нинге,
Кда аф лисемс
Вели—
Народть йоткс.

Аф, аф ащемс
Тейнек пяталангса,
Ату йофси
Кяшсамазь минь содсь
Арьда сембе
Дружнайста и ванцаськ:
Павжи велеть,
Ошнень,
Од заводть!

И, вов эста,
Седивь токай валса
Гайфтьсаськ эряфть
Тячинь мазишинь,
Кона панжи
Сталинский ши-валдса,—
Коммунизмать
Панжи,
Кели кинц!

Морамс стане,
Штоба педель седис,
Штоба араль
Вийкс—
Боецнень кядьса.
Аныцек эста:
Сиресь,
Одсь,
И тядьса—
Кенянтф мяльса
Мороньконь люкштядсьазь

Морамс—
Мезе ули вайгяльхт:
Ошть и велеть.
Паксять,
Ляхнень,
Вирть,

Штоба мороньке
Мирть келеванза гайняльхт,
Штоба мороньке минь
Ашкодолезь мирть!

1940 к.

Пращания

Ушесь валда, кожфтай сетьме
кожфка,
Пряц люкафни туже лопа
вирсь,
Тя прашальной веть минь
Полють мархта
Кельгоманьке пилевес мянь
кирдсь.

Вень ульцяса аш фкявок морай,
Ашезь маряв клубтьвидеса
жалфсь.
Коське лопат вирсь лангозонк
йорай,
Конат каштордсть, пилеваксанк
валксть.

—Якстерь воинкс улемась
почетнай,
Боевой улят тон, командир.
—Седи вакссонь валонзон сон
кочкай,

Ванять пилес корхтай Полю
стирсь.

—Банк границать, кучсек тейне
сьормат,
—Ульхть советский вернай
часовойкс!

Мон колхозса кемонзаса
нормать,
Меки вели—тонь учте геройкс!

Сякокс валда, аныцек кожфтай
кожфка,
Пряц люкафни туже лопа
вирсь,

Тя прашальной веть минь
Полють мархта
Кельгоманьке пилевес мянь
кирдсь.

Н. Иванов

должен улемс активнай и сознательна кочксихть эстейст организаторхт, руководителхт, конат идеяна и моральна молихть ингоди, вятсьазь мельгасть сембе массат и эсь примерсон коряс—активнай гофнесазь сонь. Тячинь исполнительсь может улемс ванды руководителхт.

Личность минь социалистический обществасонок свободнай эсь развитиясонза. Ломанть активностец имеет величайшай простор и перспективат. Тя максси кажнай-ти уверенность эсь виензон эса, творческий возможносттнени коллективса. Тянд и направленнойхт массатнень политическая воспитаниясна.

Огромнай ролец коллективть сознательнай дисциплинаць воспитанияса и воздействияц мератнень примененияса. Сявсаськ примеронди Сузьгарьгонь аф полной средней школань 6-це „Б“ классонь коллективть. Тя коллективсь тяфта воздействияц дисциплинаць на-рушительхнень лангс, што учительти аф эрякшни тиедемс валса предупреждения, а тии аф оцю пауза и варжаксты нарушительть лангс, ся пинить сембе коллективсь варжаксты сонь ширезонза и ученикс невольна стая и сяви извинения коллективть инголя. Тяс дисциплинаць колсези пяк кржаксть, сяс мес эрь аф

оцю нарушениясь урокта меле вандови коллективть мархта и предупрежденнай ученикс моральной воздействияц ала вынужденнай модемс коллективть мельге.

Успешаемотсь коллективса цебярь. Сембе коллективсь тиенди забота сяда аф успевающахнени. Урокнень ушedomс синь тиедихть беседа, кие кода шарькодезень куду максф заданиятнень. Отличникне лезнихть ся ученикнени, конат аф пяк шарькодезь кудонь заданиятнень. Характерна ся пингсь, коста учитель кизефксонцты ученикс максси аф точнай ответ, эста сембе коллективсь уленди переживанияса, што сонь членом может получамс калдыв отметка. Кажнайсь аф аныцек эсь успеваемотенц инкса тюр, но и сембе коллективть инкса.

Нят успехне сатовихть эрь шинь воспитательнай работать мархта. Особенна коллективть кемокснесы и активизировандакшнесы социалистический соревнованиясь, конац пачфневи эрь ученикт глубокай сознаниязонза и проверендакшневи эрь шиня. Класснай руководителсь няфнесы ученикти уверенность, што сон может тонафнемс аныцек отличнайста и цебярьста.

Лодырев.

Сузьгарьге, Рузавский р-н,

ЗНАТНАЙ КОНЮХ

Каньгуш велень „Путь к социализму“ колхозонь 5-це бригадаса конюхокс работай В. Кулаевсь, конань заботливый работанц вельде 5-це бригадате алашанза упитанностьс коря колхозса ашихть инь васень ряттень эса.

Кулаев ялгась ськамонза тядде тись 835 трудови, конатнень пцтай пьлеснон тиезень разнай работаса.

Колхозонь правлениясь честнай и ударнай работанкса Кулаев ялгать 1939-це кизоня премировандазе ценнай подаркаса. Колхозонь правлениясь тяфтажа решил тядденге Кулаев ялгати максомс достойнай подарка.

А. Икомасов.

Ельникова район.

Жувататненди лямбе помещеният

Ежкань вельсоветса Дзержинский лемса колхозонь правлениясь, максомок оцю хозяйственно-политический значения общественной жуватань водямати, вяти оцю работа жуватань поголовьят касфтомаса и жувататненди тядлонди лямбе помещениян анокламаса.

Эряви азомс, што Дзержинский лемса колхозса 1940-це кизоть самс ульсь аныцек МТФ, коса ульсь сембоц 7 тракт. Тядде колхозса одс организовандаф учань товарнай ферма, конань укомплектованиянц икса рамаф лама учат, а МТФ-ти—вазнят.

Плотничная бригадась мольти ускоренной строительства, строяхть просторнай и лямбе картт и калдаст. Поляков.

Ковылкинский район.

ТЯЛЯМАСЬ ТАРКСЕВИ

Потякшень колхозсь тя пингс ашезе адела сьоронь тяляманц. Тялямась тарксеви сянь сюнеда, мес колхозонь председателсь Родькинц ашесце петьфте шестиконнай молотилка, конац тя кизоня прокс ульсь апак использовандак. Кда эсь пингста улель петьф тя молотилкась, сьоронь тялямась улель кунаракиге аделаф педа-пес. С. Сургаев.

Краснослободский район.

ФИЗИЧЕСКАЯ КУЛЬТУРАТИ —БОЛЬШЕВИСТСКИЙ РАЗМАХ

Большевистский партиясь и лична Сталин ялгась заботяхть од ломаттнень физический воспитаниснон колга. Синдейст максфт сембе условиятне сянди, штоба эрь од цьораньсь и эрь од стирнясь касольхть физически кемоста и вьюста.

Мордовский республикаса кафта тьожаньда лама од лomanь аккуратна занимаданкшнихть физкультураса, аноклайхть эсь пряснон трудти и оборонати. Сяда лац лия райоттнень коряс ладяф военно-физкультурнай работась Рыбкинань районца, коса ГТО значкистонь аноклама планц пашкотьф 215 процентс.

Но эряви азомс, што военно-физкультурнай работась комсомольский организациятнень инь ламоснон эзга нинге ашезь получа эрявикс размах. Тянь колга корхтай ся фактсь, што республикаса комсомольский организациятнень эзда аныцек 5 процентс занимандай физкультураса и спорта. ВЛКСМ-нь башка райкомтне нинге исть шарф-та тя важнейшей тевть шири са-



СНИМКАСА: Торбеевский средняй школань 3-це классонь отличницатне (кяржи ширде види шири): Игонькина Капась, Жарикова Лидась, Любовцева Нюрась—старшай пионервожатай, Токорева Кирась и Глухова Вилась.

Фотось Ивенинть.

Активный избач-общественник

Сире Синдровань изба-читальнясь избачекс работай комсомолец И. Т. Борискин ялгась. Ушедомок избачекс работама, Борискин ялгась образцовыста ладязе изба-читальнят работанц. Колхозникнень йоткса систематически вяти культурно-массовой работа.

Кода активнай общественник-комсомолец, Борискин ялгась отчетно-выборнай собранияса кочкаф комсомольский комитетонь секретарькс.

Борискин ялгась эсь инициативанц вельде колхозса организовандась осовнахимонь организация, коса тияи лувондови 70 член, конатнень йоткса систематически йотафневихть занятия военнай тевть тонафнеманц колга. Осовнахимонь од четтне тонадозь ни противогать, а тияи упорнайста тонафнихть винтовкаты частензон взаимодействияснон.

П. Тултаев.

Сире Синдровань район.

Прогульщикненди аш васта комсомолса

СССР-нь Верховнай Советсь Президиумонц июнь 26-це шинь Указоц кирди пяк оцю политический значения, иба сон направленной минь родинаньконь экономический и обороннай мощенц сяда тов кемокстаманцы.

Но эряви азомс, што кой-конат комсомольский организациятне тьян ашезь шарьхкодь. Вов, кепотьксонди, Сузгярге велень комсомольский организациясь указть пашкодеманц инкса тюри пяк калдываста. Тяс комсомолецне-

ильне синьцке тиендихть прогулхт. Тяфтажа указть пяк грубайста нарушандакшнесы Е. Киреевась, конац работай вельпонь магазинца продавецокс. Сон 8 часттнень вастс эрь шиня работакшни аф 4—5 частта лама.

Комсомолецне эсь общей собраниясь, разбирадамок трудовой дисциплинань нарушительхнень тевснон, единогласна примасть решения прогульщикнень панемс ВЛКСМ-ть рядовзон эзда.

В. М. Сурков.

томшка мьяль. Лямбирский районца 1000 комсомолецт эзда физкультурнай коллективса аши аныцек 136, а Саранский районца 1200 комсомолецт эзда аныцек—183.

Тяфтама жа положениясь и пцтай сембе райоттнень эсовок. А Ковылкинаса и Атюрьеваса 1940 кизоня ашесце анокла фкявок значкист, аф ваномок сян лангс, што нят райоттнень эса улихть специальной платнай работникт.

И аф кржа „физкультурникта“, конат аныцек старандайхть получамс спорт-обществовать счетса физкультурнай костюм и лия обмундирования, а занимадамс спорта синь вастозост, катк кие-кие лия. Комсомольский организациятне должетт вятемс решительнай тюрема тяфтама „спортсметтнень“ каршес. Сатомс сян, штоба эрь комсомолецсь занимаданкшнел физкультураса и спорта.

ВЛКСМ-нь ЦК-сь „Комсомольский активт физический подготовканц колга“ постановленийсон за обязал сембе комсомольский работникнень, тья лувксса и первичнай организациян секретарьхненге РККА-ть 23-це годовщинапцты максомс ГТО-нь 1-це ступенень значокти норматнень (аныцек иляды плаваньясь). Именна активт

личный примероц должен эреклафтомс физкультурнай организациятнень работаснон.

Сянкса, штоба сувафтомс физкультурнай занятиясь сембе одломаттнень, райкомтнень и горкомтнень видеса военно-физкультурнай работат коряс комиссиян четтне должетт организовандамс предприятиянень и колхознень эзга спартакиадат, военной играт и похотт.

Райкомтненди и горкомтненди маластонь пленумсост эряви обсу-дить ВЛКСМ-нь ЦК-ть постановленийц. Катк комсомольский активисттне азондсаз, кода синь пашкотькшнесаз эсь долгснон родинать инголе, кода синь закаляют эсь пряснон физически и кода тонафнихть военной тевть эса. Кода синь развертывают военно-физкультурнай работат одломаттнень йоткса.

Комсомольский руководительхвенди мзярдонга аф эряви юкснемс, што фалу эряви кепсемс од ломаттнень мобилизационнай готовностьснон,—тя синь почетнай и ответственной задачасна.

А. ДРЯНЕВ,

ВЛКСМ-нь обкомтнень военно-физкультурнай отделонц заведующайц.

ОМБА МАСТОРГА**Англо-германский войнась**

Германский информационнай бюрось пачфни, октябрь 26-це шистонза германский бомбардировщиконь эскадрильятне истребительхнень сопровожденияснон ала шиньберф мольтфезь эсь вадетснон Лондонть и Южная и Центральная Англиян лия местносттнень лангс. Брежущай полетонь бомбардировкати ульсь таргафт Севернай Шотландияса английский аэропорттне. Ангарагтне и убежишатне кровязсть.

Американский телеграфнай агентствань корреспондентнень свидетелстваснон коряс, германский самолеттне йордасть лама бомбат Лондонть центраса магазиттнень лангс. Октябрь 26-це шинц каршаветь Центральной Англиян ошнень эзда фкяса бомбардировкатнень сюнеда фкя пингста тиевсь 125 пожар.

Французский побережьяса установиндаф германский дальнебойнай од орудиясь ляцендесе Дувр районть оцю снаряда.

Октябрь 27-це шинц карша английский самолеттне появакшнест Германиять территориян вельксс. Берлинца, кода и Германиян лия крупнай ошнень эса, бомбатне прасть эряма куттнень лангс.

„Нью-Йорк геральд трибюн“ газетань военнай обозревательсь-майорсь Элиотсь сьормадь, што Англиять лангс германский авиациять налетонза тисть известнай ущерб и гражданский населеният йоткса жертват. Однако, ня бомбардировкатне ашесце тие серьезнай ущерб английский военнай промышленности и ашезь лафчепта английский воздушнай флотт бое-способностенц. Элиотть валонзон коряс, США-ть ширде максевилезксть шиста-шискасмац кемокснесыне английский вийхнень.

(ТАСС).

Хор-Белишт заявлениц

Рейтер агентствась пачфни, што английский ингольдень военнай министрсь Хор-Белиш вешсь, штоба тиякиге терьдем парламент, сяс мес Гитлерсь вяти переговорых французский правительствать главанц маршалть Пэтэнт мархта.

(ТАСС).

Бодуэнтъ предстоящий отставканц колга

Кода пачфни германский информационнай бюрось, Вишинь политический кружнень эса (французский правительствать эряма вастоц) якыхть слухт французский иностраннай тевонь министрть Бодуэнтъ отставкас туманц колга.

Юнайтед Пресс агентствать сведениязон коряс, Бодуэнтъ полафтсы министрнь советть тиянень председателец Ловаль.

(ТАСС).

Ответ. редакторсь И. ЧУДАЙКИН.